

Q. F. S. F. Q.

DISSERTATIO HISTORICA,

DE NOVA FACIE ORBIS EUROPÆI
CIRCA SÆCULUM REFORMA-
TIONIS EXORTA.

Partis Prioris
Particula II.

QUAM

Suffrag. Ampl. FAC. PHILOS. in Reg. Acad. Aboëns.

PUBLICE VENTILANDAM SISTUNT

MATTHIAS
CALONIUS

ET

JOHANNES LITHANDER

SATACUNDENSIS,

IN AUDITORIO MAJORI,

DIE XII. JUNII MDCCLXV.

H. A. M. S.

ABOÆ

Impressit JOHANNES CHRISTOPHORUS FRENCKELL.

INSPECTOREN
VID SIÄLÖ KRONO HOSPITAL,
HÖGAKTAD
HERR ERIC LITHANDER
MIN HULDASTE FADER!

Til ett ringa wedermåle, af den barnsiga wördnad och tacksamhet, hwaraf mit sinne är upfyldt, har jag den åran at tilskrifwa Eder, Min Huldaste Fader, detta Academiiska arbete. Det sker icke för antagen seds skull; icke eller i affligt at därmed, til någon del weder-gälla Edra mig bewista otaliga välgerningar, och den dryga omkostnad, J Min Huldaste Far, på min upfostran anwändt. Jag har welat nyttia detta tilfälle endast, at därvid offenteligen få förklara, det Eder ömhet emot mig warit så stor, och Eder omtancka om min wälfärds befräm-jande så öfwerdrifwen, at jag, ehuru högeligen jag wil-le, aldrig tilfyllest kan årkänna den samma. I hafwen glömt Eder egen beqwämlighet, för at så mycket kraftiga-re kunna bidraga til mit understöd; och Eder frikostig-het har oftast öfwerstigit både Eder förmåga och min billiga förmoden. Alt hwæd jag, emot så mångfaldig god-het, förmår göra, är, at med trogna böner anropa den Högste GUDen, det Han wille uppehålla Eder, tillika med Min Huldaste Moder, wid hälsa och krafter, i det längsta, som här i dödligheten kan wántas. Framhårdar med diupaste wördnad

MIN HULDASTE FADERS

ödmjuktydigste son
JOHAN LITHANDER.

§. IX.



iximus haec tenus de excogitatis nostro ævo, multiplicandarum scripturæ pariter ac picturæ compendiis; quo circa quantum illa ad minuendam librorum caritatem & litteras restaurandas contulerint, breviter innuimus. Succedit ut de *materiis scriptioriis* pauca subjungamus, cum & illa haud minorem in hoc punto attentionem mereri videantur. Constat inter omnes *papyrum Agyptiacam* (a) & *membranas* (b) præcipuam antiquissimis temporibus, conficiendis libris materiem præbuisse; hisque postea saeculo ut videtur post N. C. X. accessisse *Chartam Bombycinam* vel *Cuttineam* (c) a Gossypio vel Bombyce confectam, papyri parandæ artificio jam tum exolescente. Hæc inquam notissima sunt; nec ea copiosius persequi instituti ratio permittit. Id solum nobis

G

hic

(a) De Papyro ejusque variis speciebus, & præparatione legatur *Plinius Hisp. Nat. Lib. XIII. Cap. XI. XII. XIII.* Cfr. *Histor. Univ. Tom. I.* pag. 332. (b) Tradit quidem post *Varronem Plinius I. c. Cap. II.* sappiente papyrum ob emulacionem circa Bibliothecas *Ptolemaeo Philadelpho* Agypti Rege, membranas Pergami ab Eumeni primum fuisse inventas. Verum confutavit hunc errorem, & membranarum usum Eumenis ætate longe antiquiorem esse, demonstravit præter alios *Salmuthus* in notis ad *Pancrollum de retus deperd.* *Lib. II. p. 259. seqq.* (c) Nomen traxit hæc Charta a Bombyce, Bombace vel Bambace, vocibus ejusdem significationis ac Gossypium quod Gallis Cotton audit: unde & *Bombacina*, *Bambacins* & *Cuttinea* subinde appellari suevit. Vid. *du Fresne in Glossar. Med. & infimæ Lat.* sub voce *Bombax*. Saeculo, ut diximus X. illam jam in usu fuisse pluribus argumentis ostendit *Montfaucon Paleograph. Gr. Libr. I. Cap. II. pag. 17. 18. & Libr. IV. Cap. III. pag. 278.*

hic repetendum est, quod membranarum & Charæ Bombycinæ vulgatissimus, medio quod vocant ævo, ad libros & acta quævis consignanda fuerit usus, deficiente nimirum alia idonea his usibus materie (*a*). At cum utraque illarum & sumptuosa & difficultis esset paratu, facile adparet magno admodum, in maximum rei litterariæ damnum, libros in illis exaratos venisse pretio. Et in cunctum malorum tanta plerisque fuit membrana penuria, ut Calligraphi vetustissimis manuscriptis, abstensa ac deleta priori Scriptura, novam inferrent; ita ut quoddam eeu Palimpsestum fieret, etiamsi nonnunquam vetustiora illa novis & superinductis longe præstantiora essent (*b*), quo nocentissimo instituto, cujus aliquam etiam partem superstitioni deberi non negaverim, presumo iverunt præstantissima profanorum Scriptorum monumenta bene multa; & perirent omnino multo adhuc plura, nisi ingravescenti malo adlata fuisset medela, senior quidem sed tanto desiderior. Auspicato namque orbi nostro contigit, ut circa hæc fere, quæ loquimur tempora, ex pannis linteis detritis charta parari cœpisset (*c*). Quod inventum, utut cum arte Bombyci-

(*a*) Testem prevocamus laudatæ *Montfaucon*, qui & faculis X. XI. & XII. plures membranaceos quam in Bombycina charta scriptos codices deprehendi; XIII. autem XIV. & sequenti Bombycinos frequentiores occursero observat. Evidem non ignoro adhibita etiam fuisse interdum nonnulla alia chartarum genera, Sericeam, Amianthinem, caet. Verum hæc vel Orientis solum populis usitata, vel curiositatí magis quam communi usui dicata fuere: ideoque huc non pertinent. (*b*) Verba sunt Dñi *Montfaucon* l. c. Cap. V. p. 37. (*c*) Cave cum linteis nostra charta confundas libros linteos apud *Livium* & *Plinium* memoratos, quippe qui in relam tantum linteum descripti erant, non aliter quam hodie a pictoribus varia rerum imagines in veste linteis depingi solent. *Sacmuth.* l. c. p. 253.

bycinam parandi, proximam habeat adfinitatem, quippe a qua nonnisi quoad materiam differt (*a*); sua tamen laude minime est defraudandum: Loco enim exoticæ mercis, Gossypii, quam nostra tellus non fert, indigenam & quidem vilissimam, atque inter quisquilias alias rejiciendam, in officinas chartarias invexit, usibusque humanis idoneam reddere docuit. Quo facto, quantum evluerint chartarum & librorum pretia, quisque per se intelligit. Verum quanto existantius est, quod hac in re elucet Divinæ, in ordinandis litterarum fatis, sapientiæ documentum; tanto magis mirari convenit, quod illius & Auctor & epocha ignorentur. Adeo quæque *etas suorum est incuriosa*, ut maximarum quoque rerum memoriam posteris conservare, vix operæ pretium judicet. Est scilicet adeo altum apud Scriptores cœvos de inventore nostræ artis silentium, ut ne eruditas quidem conjecturas, quod alias haud raro fieri afolet, proponere in hoc argumento, ausi fuerint recentiores (*b*). Et apud quam gentem usus hujus chartæ primum invaluerit, illud quoque maxima incertitudine laborat. A Sinensibus ad Europæos, hanc chartæ ex contritis linteolis conficiendæ artem, propagatam fuisse, perswasum sibi habuisse videtur *du Halde* (*c*); a qua sententia non multum alienus est *Prideaux*, quippe ab Oriente per Mauros, Hispaniam olim inhabitantes, eam in Europam invectam fuisse ratus (*d*).

G 2

Euro-

(*a*) Hinc procul dubio factum est, quod utrumque chartæ genus confuderit *Montfaucon* l. c. & post illum *Heumannus* in *Conf. Reip. Litr. Cap. III. §. IX.* pag. 39. *Eait. ult.* (*b*) Certe *Polydorus Virgilii de Rer. Invent.* Lib. II. Cap. IX., auctorem hujus inventi haud patam esse fatetur. (*c*) *Descript. de l'Empire de la Chine &c.* Tom. II. p. 288. (*d*) *Hist. Vet. Test. in connexione cum prof.* Tom. I. Lib. VII. p. p. 630. 631. *Vers. Germ.*

Europæis ipsis, inventionis gloriæ tribuunt Ræjus (a), & Maffejus (b), ille quidem Hispanis, ad quorum exemplum Basileenses primi, ab advenis Antonio & Michaële e Gallicia oriundis, edocti, post vero cæteri Germani chartarias officinas exstruxissent (c); hic autem Italis, nescio quo fundamento. Utrum horum adseratur, nos quidem in magno non ponimus discriminine; quamobrem nec judices in hac causa jam sedere volumus. Inquiremus potius in tempus, quo primum adhiberi cœpit hæc charta. De eo non satis constat; tantum novimus, quod ad initia sæculi XIV. usus ejus jam obtinuerit; an vero & prius illud ignoratur. Antiquissimum namque monumentum chartaceum Angliæ reperatum & ab oculato teste Dn. Prideaux (d) adductum,

an-

(a) Hß. Plant. Lib. XXII. Cap. II. p. 1302. quem tamen, pariter ac Marpergerum in Neueröffn. Manufäctur-Haus Cap. VI. pag. 146. & Mylum in Hort. Phl. voce papyrus in eo errasse, quod ante a 1470. Germanos hanc artem ignorasse statuerint, ex infra dicendis manifestum fiet. (b) Vid. Lengrens Berättelse om Boktryckeriet p. 5. not. (c) Ex hac narratione inter alia robur sua sententia quadratus conciliare studuit Dn. Prideaux. Verba ejus l. c. ita habent: Diese Invention scheinet aus Orient gekommen zu seyn. Denn die meisten Schriften in Arabischen und andern orientalischen Sprachen welche wir daker haben, sind auf solche papier geschrieben, und manche noch viel älter als die ich oben über diese materie angefahret. Wir finden aber auch, dass sie oftters so wohl auf seiden als leinen papier geschrieben. Es ist am probabelsten dass die Spanischen Sarazenen diese künft erst aus Orient in diß Land gebracht, und weil Galicien eine provinz davon ist, kan sie wohl, nach der Mr Roy bericht von dar zweyst in Deutschland bracht worden seyn: Aber es muss viel eher als Er meinet gescheben seyn. (d) Adseremus integrum locum quippe illustrandæ huic rei adprime infervit. Man hat, inquit, ein Buch Catholicon, und von einem Munch Jacobo (Johannem dicere debuisset) de Janua geschrieben, das zu Mainz in

annum ostendit 1320; quo non multo recentiora sunt quæ e Bibliothecis ac Tabulariis publicis in lucem pro-traxerunt itidem *duo* *litteras* *Bohuslaus Bulbinus* (*a*) & *Dn. de Ludevig* (*b*) qui singulari opera hoc argumentum excusserunt. Quamvis autem, ut hinc colligere est, paullo remotores sint chartæ hodiernæ origines; negari tamen vix potest, tantam fuisse illius saeculo XIV, & circa initia sequentis raritatem, ut ante ortum artis Typographicæ vix notabilem aliquem effectum, in res humanas exserere potuerit hoc inventum (*c*). Circa eadem vero tempora, quibus nobilissima ars detecta est, latius etiam pervasit hujus cognitio, & vulgatior facta (*d*) socias Typographiæ junxit manus, ad rem librari-

G 3

am

Deutschland a. 1460. gedruckt (und doch von leinernen papier) ist, und also müssen die Deutschen diese art papier, lange vor der von Mr Ray beniemten zeit gebraucht haben. Da giebt essauch gescriebne Mscr. die noch viel älter sind, von eben der art papier, wie wir in unterschienen Cantzelleyen in diesem Königreiche seben, da des datum der instrumente oder registrirten Alten, die zeit beweiset. In des Bischoffs zu Norwicb Cantzelley giebt es ein Register der Vermächtnisse ganz von Papier, entinnen Registraturen von dem jahr Christi 1370. ber, gerade 100. jahr vor der von Mr Ray beniemter zeit, da es in Deutschland aufkommen seyn soll, befindlich sind. Und ich habe ein Register einiger Alten von Iohan Cranden Priorn in Ety ganz auf papier geschrieben gesehen die im XIV. Jahr König Edvardi des II. das ist im Jahr Christi 1320. datirt ist. Hæc ille l. c.

(*a*) *Mistell. Hist. Bohem. Cap. XXII.* Vid. *Acta Erud.* pro an. 1682. p. 242. (*b*) *Vid. Dissert. de Chartis P. poster. sub Præsidio Celeb. Prof. Bring editam a Joach. Balek, Londini Scanorum a. 1753, §. XIX. p. p. 44. 45. (*c*) Rarissimam fuisse his temporibus chartam hinciam, ex raritate Codicum in illa exaratorum, tuto concluditur. Nec alias plane notum sua aetate fuisse hoc charta genus, adhuc rite ausus fuisse Salmutius in notis ad Pancr. l. supra cit. (*d*) Vulgatissimum jam, ad finem vergente saec. XV.*

am restaurandam. Adeoque jure refertur, inter illa præsidia, quæ nostro ævo, ad tollendam primam barbarie caußam, librorum defectum, concurrerunt.

§. X.

Altera, quæ barbariem mediæ ævi fovit ac sustentavit causla, e *perversa Scholarum ratione & publicæ institutionis defectu* repetenda est (a). Erant scil. a longo jam tempore, studia litterarum ad *Monasteria*, tanquam ad triremes damnata; & præter *Scholas*, quæ ex præscripto regulæ Benedictinæ, in iis habebantur, vix alia in occidentali orbe ad sæculum usque IX. extitisse videntur bonarum mentium officinæ. Hoc vero tempore, institui passim cœperant in Collegiis Canonorum Scholæ, Episcopales dictæ, quibus mox accesserant alia, quæ hodiernam Scholarum rationem quadanguenius æmulari videbantur, quarum *Oxoniensis* atque *Parisensis*, ab *Alfredo Angliæ & Carolo Magno Galliarum Regibus* institutæ, in primis celebres erant. Ast & hæ ipsæ a *Monasticis Scholis* non multum differebant. Præterquam enim quod Monachorum curæ erant commissæ, in eodem etiam *Trivio* hærebant: *quadrivium* plenumque ignorabant, adeoque ad solidioris doctrinæ cultum parum vel nihil omnino conferebant. Quod quamvis ita esset comparatum, attamen & sic aliqua reman-

suisse hujus chartæ usum vel exinde constat, quod & in Patria nostra, circa illud tempus usitata observetur. Imo molendina papyracea jam an. 1523. Sudercopiæ ab Episcopo Lincopensi *Johanne Brask* instituta est. Vid. nuper citatam *Dissertat. de Chartis*, S. XIX.

(a) *Cfr. Heum. Conf. Reip. Litt. Cap. IV. §. XXXII. p. 114.*

remansisset lucis litterarum scintillula, quantumcunque parva, nisi supervenissent aliæ calamitates, quibus paululum deerat, quin penitus extingueretur. Abolita namque sæc. X. omni e Cænobiis morum ac honestatis disciplina, monachisque in otium & nullum non vitiorum genus prolapsis, desicere sensim cœperant, *Scholæ Monastice & Episcopales.* Et invadentibus porro Angliam Populis Septentrionalibus, Galliaque Normanicis & civilibus bellis vexata, in communis cladis societatem præcipites iverunt Scholæ Oxoniensis & Parisina, unica fere contra totalem barbariem propugnacula. Quibus omnibus ad interitum ruentibus, alta ingruerat nox, litterarum & religionis studia obsoleverant; Clerici litteratura tumultuaria contenti vix sacramentorum verba balbutiebant, stupori & miraculo erat ceteris, qui Grammaticam nosset (a). Deerant Mæcenates qui collapsam rem litterariam restaurarent. Pontifices non satis serio rem urgebant. Clericis alia omnia quam hæc potiori curæ erant. Nec his multo meliora fuerant, quæ sequenti sæc. XI. scholas excipiebant fata. Si præter Italiam, Galliam exceperis & Angliam, quibus ex amore in litteras, Regum Roberti & Guilielmi Conquistoris, quoddam quasi diluculum exoriri videbatur; reliquæ gentes, iisdem pâne ac antea tenebris, immersæ jacebant. Sæculo vero XII. cum discuti paullatim cœpissent, tristes, quæ orbem prius obtexerant, nebulæ, lœtius, in plerisque saltim regionibus, rei litterariæ fidus effulgit. Quotquot enim exstiterant cordati hoc ævo Principes &

(a) Verba a Guilielmo Malmesburiensi mutuata adducit *Conving. Antiqu. Acad. Suppl. XXXI. §. 2.* Facillimum esset si id ageretur & nisi proposita veteret brevitas, specimina barbariei hujus ævi cumulare. Sufficiat dixisse: *Eam suisse saecui bujus infelicitatem, ut necesse esset Presbyteros ab Episcopia interrogari, utrum*

& Pontifices, ut scholis bene institutis, humanitatem
 vitæ in primis constare, ipso usu cognoverant; ita & o-
 innem in id converterant curam, ut collapsas artium
 liberalium officinas restaurarent, novasque præterea e-
 rigerent. Quocirca ut non modo Trivium & Quadri-
 vium, verum & reliquarum disciplinarum, quæ maxi-
 me necessaria essent, in illis tractarentur, providebant.
 Sic quæ solo *Artistarum* seu *Philosophorum* ordine an-
 tæa constabat Schola Parisiensis, *Theologorum collegio* au-
 cta, & ob raram hoc ævo, docentium in illa *Abalar-
 di* ac *Lombardi* eruditionem, magnam famam consecu-
 ta est. *Oxonii* etiam, quæ aliquamdiu consopitæ ja-
 cuerant litteræ, cura *Robertii Polenii* & favore *Henrici II.*
 atque *Richardi I.* Regum insignioribus augmentis
 res floreicere cœperant. *Bononienfis* quoque *Schola*, cujus
 forte fundamenta sæculo præcedenti jaæta sunt, eodem
 tempore caput erexit, & ob *Juris Civilis* doctrinam,
 quam, magna in Auditorum frequentia, *Inuerius* prius
 tradendam sibi proposuit, celebratissima evasit; præser-
 tim, cum post concinnatam a *Gratiano*, *Juris Canonici*
Epitomen, hujus etiam Doctorem *Eugenius III.* Ponti-
 fex addidisset. *Salernitanî* porro studii dignitas eo usque
 crevit, ut unicum fere per omnem Occidentem & es-
 set & haberetur Medicorum seminarium. Conditæ præ-
 terea sunt aliæ Scholæ non paucæ, quæ hic recensere
 longum foret. Solæ *Episcopales* & *Monaftice* jacebant,
 quippe quarum instaurationem, crescens in dies regia-
 rum scholarum splendor, sufflaminabat. Ad novas e-
 nim

bene legere possent; Et *Gislemarum* quendam regnante *Carolo Calvo*
 cum electus esset in Remensem Archi-Episcopum, oblatum textum Evan-
 geliorum aliquatenus quidem legere, nihil tamen ejus intelligere potuisse;
 ceu ex *Baluzio* notat laudatus modo *Corring.* l. c. *Suppl.*
XLII. §. 1. Cfr. ae latinitate Romana. Ibid. §. 2.

nim bas litterarum officinas qvum plurimi proficiscerentur, fieri aliud non poterat, quam ut ille gradatim contabescerent (*a*). Quod vero maximam ad has allexit auditorum frequentiam, non tantum opinio erat, adsequendæ in iis solidioris doctrinæ, sed & prærogativa singularis cuiusdam defensionis. *Fridericus I.*, namque Romanorum Imperator legem tulit, qua non modo specialem protectionem, verum & proprium *forum* scholaribus induxit, ut rudiorum & imperitorum jurisdictioni exerciti, optionem haberent, *au coram Domino vel Magistro suo, vel ipsius civitatis Episcopo* comparere vellent; qui vero ad alium judicem eos trahere tentaret, *is, etiam si causa justissima esset, a tali conatu caderet* (*a*). Egregie certe in his omnibus, pro illorum quidem temporum ratione, cum Scholis agebatur; ad barbariem tamen, quæ altas jam dudum egit radices, extirpandam, minime suffecerant hæc instituta. Nam ut taceamus, minorem adhuc, quam quem rei necessitas postulabat, fuisse Scholarum numerum; in eo quoque defecerant, quod certainam aliquam disciplinam, unam vel plures, cæteris plerumque negleguntis, una quæque illarum colendarum sibi proposuisset. Hoc enim, rebus sic stantibus, ferendum omnino non erat. Adhærebant iis porro alia incommoda, quorum non levissima erant, quod vix ulli essent Doctores publica mercede conducti; nulla ad excitandam & alendarum industriam præmia

(*a*) *Vid. Mosheim. Instit. Hist. Eccles. 1st. Part. II. Cap. 1. §. III. pag. 451. 452.* (*b*) *Lata est hæc authenticæ a prima voce Habita dicta an. 1158. mense Novembri apud Roncallias, & legi potest apud Conring. An. Acad. Suppl. LXX. pag. 361. 1. Præbuit autem illa omni Jurisdictioni Academicæ suum exordium, primamque occasionem. De vero ejus sensu, videatur idem Conring. I. c. Dissert. V. S. §. V. VI. VII. IX. Collat. cum Suppl. LXXXIV. LXXXV.*

proposita; nulla honorum insignia; nulla graduum, quos vocant, distinctio. Ut proinde quoad numerum augeri, & qua reliquam sui constitutionem, multa indigent reformatione, si fini cui inservirent consequendo, pares essent futuræ.

§. XI.

Quæ autem publicam juventutis institutionem premebant difficultates modo memoratae, qua maximam sui partem sequenti sæc. XIII. sunt sublatæ, quippe quo originem ceperunt Academie seu ut tum appellari solebant *studia generalia*, majoribus, quæ prius viguerant, scholis, sensim in hanc speciem transformatis. Ex aucto Doctorum numero, ortæ primum sunt quatuor quæ dici siveverunt *Facultates* (a) Academicæ, Magistros omnium, quæ Eruditionis universæ ambito continentur, scientiarum, complexæ. Quas inter, illum servari voluerunt ordinem Pontifices Romani, ut primum locum *Theologi*, proximum ab his *JurisConsulii* occuparent, quos exciperent *Medici*, *Philosophorum* Collegio in ultimum locum rejecto (b). Quod institutum quemadmodum in schola *Parisiensi*, jam ad initia hujus sæculi fuit

(a) Qua occasione corpus & sodalitium plurium Magistrorum sive Professorum certe aticui discipline addictorum, Facultatis nomine insignitum fuit, ostendit *Hermannus in Praefatione ad Conring. Antiqu. Acad. p. XIII. XIV.* Una autem cum ipsis Academis cœpsisse hanc appellationem pluribus ostendit laudatus modo *Conringius Dissert. III.* (b) Rationem hujus ordinis reddit *Freinsheimer in Lib. de Elat. & Cardin. Praecep. §. 26.* cujus verba e *Gundl. Hist. der Gelahrh. p. 1699.* adducemus: Ita autem ille: *Pontificum auctoritate constitutas esse plenisque Academias constat.* Ne miremur, si ma-

fuit receptum (*a*); ita labente tempore in reliquis etiam invaluit, adeo ut ex iis, quæ hac ætate conditæ sunt Academiis, Bononiensi, Oxonensi, Patavina, Perusina, Tolosana & Salmanticensi, nulla esset, quæ non eandem hanc Professorum in classes divisionem sequeretur (*b*). Quocirca ut excitata honesta inter studiosos æmulatione augmentis eo felicioribus crescerent litterarum studia, cuique harum Facultatum jus est collatum examinandi, adprobandi atque honoribus Academicis sollempni ritu decorandi eos, qui publico docendi officio pares censeri poterant (*c*). Et ut ordine cuncta fierent, singulis illarum suus datus est *Decanus*, communibus Professo-

H 2

fesso-

xime bonorunt ordinem, in quo ipsi honorabantur. Is autem tum Theologorum vocabatur. Juris civilis nulla dum erat notitia; Pontificium obtinebat. Hujus ergo Professores jure suo locum proximum nati. Nec spem Medi ci poterant. Philosophia, quæ tum erat in usu, nihil habebat cur de primatu concideret. Civilem sapientiam non doceri Papa intererat. Eadem ob causam jacebant bona sitteræ & studium Historicum. Postquam emersit vera Philosophia, jam occupatus erat locus & secundaum legem convivalem sedes incommodeiores decernuntur tarde venientibus. Cfr. Heuman, l. c. p. 121.

(*a*) Pluribus hoc demonstrat Conring. l. c. Diff. III. §. 18. & Suppl. XLIX. (*b*) Non tamen omnes quatuor Facultates in singulis Academiis mox obtinuerunt. Sic Bononiae ante a. 1462. nemo fuit qui Theologiam profiteretur. Nec Lutetiae post abrogatam ab Honorio III. Pontifice Juris civilis professionem, hujus publicus ullus Doctor exstitit. Cfr. Conring. l. c. Diff. I. §. 45. & Diff. III. §. 18. (*c*) Coepisse Publicam Graduum Academicorum titulorumque Magistri & Doctoris collationem in studio Parisiensi; momentque hunc inde ad reliquas Universitates dimanasse, vulgarissima est Eruditorum sententia. An vero origines illorum ad a. 1120. vel aliud quodlibet tempus referenda sint, & in qua Facultate primum usitati fuerint, de eo disquirere non vacat. Fuerit autem ritus in iis conferendis, in diversis Academiis diversi,

fessorum suffragiis eligendus (*a*); omnibus vero in universum præfectus est *Cancellarius* (*b*) qui totam regeret Universitatem, veniam distribuendorum graduum Facultatibus indulgeret, juraque Academiacæ & privilegia, sua auctoritate protegeret sartaque & tecita conservaret. *Jurisdictionis* quoque Academicæ nova sensim emersit facies. Præcisa namque illa, de qua supra diximus, fori optione, utpote quæ turbas sæpissime ciebat, omnisi juris dicundi potestas ad *Nationum Procuratores*, & electum ab his, e Professorum ordine, communem *Rectorem*, devoluta est (*c*). Adsignata præterea Professoribus sunt annua *Salaria*, ut iis suffulti, rei litterariæ quam familiaris potiorem gererent curam. Privilegia denique & immunitates insigniores quam unquam antea studiosæ litterarum juventuti sunt concessa. Et hanc eandem formam servabant reliquæ quæ sequiori ævo, ex insolita Principum, qui tum erant, in litteras littoratosque munificentia accesserant, Academicæ. Quales

fue-

plerisque tamen quoad præcipuas cærimonias, inter se consenserintibus. Cæterum videatur de hoc argumento elegans Tractatio *Heumannii* inserta *Att. Phitos.* Tom. III. p. 592. seqq. quæ recentiter exhibetur apud *Gundl.* l. c. in notis ad §. 94. p. 1718. seqq.

(*a*) Factum hoc fuisse circa a. 1260. ex *Boulaïs Hist. Acad. Paris.* observat *Mosheim* in *Inst. Hist. Ecclæs.* Sec. XII. Part. II. Cap. I. §. 3. p. 500. (*b*) Cum ad hierarchiam suam stabiliendam Academicas constituendas primum svaserint Pontifices, factum est exinde, ut *Cancellarii* manus proprium quasi esset Episcoporum, quibus injunctum fuit providere, ut cum sedis Apostolicae Academicarum etiam felicitas artissimo jungeretur nexu, quo sic nihil haberet Papa, quod ab his metueret. At postea religione purgata, & Principum oculis in artes curiae Romanæ intentioribus factis, aliis plerumque, auctoritate & dignitate eminentibus Viris, haec tuendarum Academicarum provincia cessit. (*c*) Vid. *Conring.* *Diss. V.* §. 13. seqq.

foerunt, Sæculo XIV. in Gallia, *Aurelianensis*, *Andegavensis*, *Lugdunensis*; in Italia, *Pisana*, *Ferrariensis* & *Ticinensis*; in Polonia *Cracoviensis*; in Germania, *Pragensis*, *Heidelbergensis*, *Viennensis*, *Erfordiensis*, *Coloniensis*: Sæculo vero XV. *Heripolensis*, *Lipsiensis*, *Lovanensis*, *Poſtochienſis*, *Basiliensis*, *Gryphisvaldensis*, *Friburgensis*, *Ingolſtadiensis*, *Tubingenſis*, *Moguntina*, itidem in Germania; in Lusitania *Conimbricensis*; & *Uſpaliensis* in Svecia noſtra. Hæ namque omnes ad unum velut exemplar erant conformatae; & ſi qua in illarum institutis eſſet differentia, ea in levioris tantum momenti rebus deprehendebatur. Præcipua, quæ notari meretur emendatio, poſt ſæculum XIII. facta, ea fuit, qua ex decreto Concilii Wiennensis a. 1311. celebrati, ſtudiis Parisiensi, Oxoniensi, Bononiensi & Salamantino, duo ſingulis additi fuit Lingvarum, *Hebraicæ*, *Arabicæ* & *Chaldaicæ* Professores (*a*); quod reliquias ad idem faciendum, exemplio fuit. Licet nec reticendum sit, privilegia ſtudiosorum immunitate a cenuſu capitis & omnis generis veſtigialibus in publicum ærarium conferendis aucta (*b*); & potestatem judiciariam a Rectore & Nationum Procuratoribus, in *Senatum Academicum*, quem totus Professorum ordo conſtituebat, derivatam fuiffe: Professoribus quoque ipliſ in hoc foro cauſam dicere juſ-

H 3

ſis

(*a*) Auctorem egregii & utilissimi hujus conſilii, fuiffe *Raijmundum Lullium*, perverſi alias ac miri ingenii Virum, ex ratione & dementia compositum, e *Whartonii Append. ad Cavei Hist. Litt. dicit Gundling l. c. §. 140. p. 2002.* Bullam Clementis V. Pontificis de hac re, vide ſis apud *Heumannura in Conf. Reip. Litt. ad c. leem op. 136. 137.* (*b*) Copioſe ſatis de hoc Privilegio diſputat *Coring. lib. c. t. Diff. VI. §. 15.* & oſtendit hanc immunitatem circa initia ſec. XV. Studio Parisiensi datam fuiffe. Nec dubium eſt, quin & aliis Academiis idem beneficium non multo poſt conſigerit.

ss (a). Quamobrem & *Rectori*, is enim caput hujus Collegii erat, in signum imperii ac auctoritatis, variæ concessæ sunt *prærogatiæ*, variaque *insignia*, a personis, quæ Magistratus fungebantur, geri solita (b). Quæ omnia beneficia, sive ab Imperantibus, sive a Pontificibus, quorum utrique discrepantes licet ob caussas, in ornandis Academiis inter se contenderant, profecta illa fuerint, ad splendorem iis conciliandum plurimum contulerunt (c). Omitto, quæ dici possent plura; hoc tamen unum addere licebit; præter Academias alias quoque conditas fuisse *Scholas inferiores*, in quibus eæ artes, quibus puerilis ætas ad humanitatem informari solet, primaque scientiarum elementa, proponi deberent; quo sic discipuli fundamento jacto, bene præparati, ad studia Academica tractanda accederent.

§. XII.

Quoniam vero, quod ex superius dictis facile intellegitur, multa caligine offusæ jacebant in Europa litteræ,

(a) Quo tempore & ubinam primum introducta fuerit hæc regiminis Academicæ forma, pro certo compertum non habemus. In Germania tamen hoc factum fuisse, & quidem ultra medium jam etapso Sæculo XV. multis argumentis fit probabile: quæ tamen hic adducere nihil adtinet. Vid. *Conring. I. c. Diff. V. §. 18. 19.* (b) Ad prærogativas Rectoris Academicæ pertinent, Locus dignior, tituli ampliores, inviolabilitas. *Insignia* ejus sunt, purpura & apud nonnullos stola auro intexta, Argentea sceptra &c. de quorum origine videatur laudatus *Conring. L. c. §§. 20. 21.* (c) Notum est Pontificum in ornandis Academiis consilia, eum porissimum intendisse finem, ut Professores excusso civili Imperio, Curiae canum Romanæ, sive & obsequio adstringerentur. Cfr. *Heum. Confl. Rep. Litt. C. 10. IV. §. 36. p. 120. legg.* Contra, Principes, ad auctoritatem Pontificum convellendam, Academias efficacissimum fore instrumentum rati, illas sibi quam artissime devincire studuerunt.

ræ, vix spes erat, illas aliquando restitutum iri, nisi a liunde accederent viri solidioris doctrinæ, qui veram in Academiis propagare niterentur eruditionem. Per spiciebant jam hoc ipsum Magni illi Mæcenates (a) quorum ex fatorum, erga renascentes litteras benignitate, ætas, in oriens sacer. XIII. diluculum inciderat: qui proinde, quos feliciori ingenio præditos animadverterant ad exterias subinde Scholas alegabant, ut elegantiores litteras inde domum secum reducerent; & peregrinos etiam, quos ingenii gloria excellere fama vulgaverat, amplissimis præmiis, ut ad ipsos migrarent, sollicitabant. Ast non satis valida ad expellendam barbariem hæc erant consilia. Accessit vero, singulari Divinæ providentiæ beneficio, magnum novæ huic litterariæ periodo momentum capta a Turcis Constantinopoli (b), quæ onus erat vetustæ sapientiæ monumentum, Litterarum domicilium & arx Philosophiæ. Expugnata enim a. 1453. (c) hac Græcorum Metropoli, doctissimi quique gentis istius viri, pauperate & barbariei jugi duritie coacti, in occidentales partes, præserim vero in Italiam sese contulerunt, & non solum Græcæ lingvæ sed & omnis fere melioris litteraturæ scientiam Latio secum intexerunt. Saltem Latinis, ut aliquid supra nodosam Scholarum disciplinam sapere contenderent, incitamento fuerunt (d). Hi scilicet antiquam Græ-

(a) Ob singularem in Litteras favorem immortalem hoc aevum nominis memoriam consecuti sunt Fridericus III. Imperator, & Alphonſus X. Castellar & Legionis Rex, qui Astronomiæ adeo deditus fuit, ut dum sidera contemplaretur, terra in qua habitavit, oblitisci visus est: Licet & legum perifiam in deliciis eum habuisse constet. Vid. Bayle Dic. Hist. & Crit. L'art. Castille. (b) Verba sunt Magni Morboſi Polybiſ. Litt. Tom. I. Lib. I. Cap. 2. §. 15. (c) Factum est hoc die 29. mensis Maii, obsidionis quinquagesimo septimo. Vid. Difſert. de expugnata a Turcs Constantiopolis editam Uppaliſia an. 1761. p. 18. (d) Malui Whartoni in

Græcanicam Philosophiam, quam ex Iutulento alveo fluentibus Arabicarum versionum rivulis antea hauserant Occidentales, ex ipsis fontibus, limpidiorem propinabant; ut infra pluribus dicemus. Qvumque hi exules, eorumque discipuli inuisitata quadam liberalitate a Familia Medicea in Italia (a) Ludovico XI. in Gallia (b), Alphonso VI. in Neapoli (c) Matthia Corvino in Hungaria (d) Friderico III. in Germania, exciperentur; prodierunt brevi ex illorum Scholis, magno numero Viri litterarum Græcarum & antiquioris Philosophiae callentissimi, qui novam & elegantiorem in Europæ Academias doctrinæ faciem introduxerant, suaque fama & celebritate, juventutem ad honestas artes discendas, invitaverant.

§. XIII.

Ex jam adlatis manifestum est, qua ratione ex pars admodum initii, pedetentim excreverint Scholæ, quoad circa nostrum tandem sæculum quandam velut rei-

append. ad *Cavei Hist. Litt.* quam meis verbis hanc rem explicare. Adducit autem illa *Gundi.* l. c. p. 209.

(a) Merita hujus familie in migrantes ab Oriente in Occidentem litteras, singulari *Dissertatione Upsaliæ* a. 1760. edita, persecutus est Dn. J. b. Henric. Linden. (b) De hujus in promovendis litteris studio videatur Naudæus in Addit. ad *Hist. Ludovici XI.* (c) Magnificum hujus Mæcenatis elogium habetur apud *Jovium Elog. Lib. III.* p. p. 219. 220. (a) Hujus Elogium vide sis itidem apud *Jovium Lib. c.* p. 280. seq. ubi inter alia hæc leguntur: - - - *Virtutem liberaliter exornare regie fortunæ proprium munus esse ducet.* *Inixerat toti provincia Italicas artes, cultum domesticum.* *Hunnica gentis mores, ad arma & iatricinias natae,* ita mollivrat, ut regnum ex plumbœ aureum deterraque rufigine splendissimum reddidisse Pannonii faterentur.

reipublicæ formam adeptæ, ultimum ex hac parte ad-
tigisse visæ sunt fastigium. Sed ut clarius patescat,
quantum civitates hæ litterariæ, ad scientiarum restau-
rationem ac florem contulerint, pauca adhuc in illam
rem adferemus. Novimus ita natura comparatos esse
homines, ut ab aliorum experientia & necessariis au-
genda cognitionis adminiculis destituti, non pos-
sint; & præcisa omni redundaturi inde ad ipsos emo-
lumenti spe, non velint, vel ad intimiora scientiarum
penetrare, vel ultima in emetiendo hoc stadio experi-
ri. In priori enim casu, oecupat animum, post repeti-
tos in cassum labores, *desperatio*, in posteriori subit *de-
sidia*; quibus ingenitum nobis sciendi desiderium, aut
mox extinguitur, aut sensim suffocatur. Ad tollen-
dum autem utrumque malum, saltim quoad majorem
sui partem, Academiæ optimum fuerunt remedium.
Etenim cum in iis, publico sumtu alerentur viri,
solida & multiplici rerum Divinarum pariter ac hu-
manarum cognitione instructissimi, quibus id negotii
datum erat, ut diuturniorem suam experientiam, dili-
genti adhibita cura, ad aliorum informationem com-
modarent; necesse erat ut qui his Ducibus utebantur,
in majorem indies litterarum amorem accenderentur;
quod & successum laboribus suis respondere, & una
cum doctrina augeri discendi aviditatem, improviso e-
ventu, animadverterent. Quæ porro animum ad ma-
gnas res stimulare solent, utilia, honesta, jucunda, ea
omnia in institutis Academicis, ad æmulationem & in-
dustriam excitandam, amicissimo nexu concurrerant.
Qui opum quam gloriæ erant adeptiores, eos spes
obtinendi lautioris stipendii, ad operam litteris navan-
dam coëgit. Qui laudis studio & gloria, magno illo
& periculorum & laborum incitamento, ducebantur;
his per gradus ad summos honores, in Academiis di-

stribui solitos, adscendere, & eruditionis fama per orbem innotescere, digna omni contentione res videbatur. Qui denique tranquillo in primis delectabantur otio, horum animos nativa demulcebat veritatis pulchritudo ; & quæ litterarum studiosis concessa erat vacatio a negotiis, quæ curas & multiplices molestias comites habent, ultimum felicitati illorum addidit augmentum. His summum bonum, in dulcissimo otio litterario delitescere, mentem veritatis contemplatione pascere & alios suarum meditationum reddere participes. Et hæc quidem omnia, ad indefessam in excolandis scientiis operam collocandam, eo acrius plerosque impulerant, quo constantius fieri videbant, ut quanto quis ingenii gloria reliquis magis antecelleret, tanto etiam facilius honores adsequeretur, tanto magis in ipsis honoribus collegas suos anteiret; tanto plus apud principes gratiæ, plus auctoritatis apud æquales; plus notitiæ ac nominis apud vulgum sibi pararet. Nec quisquam sine magna eruditione, magna consecutus est præmia. Ipse quoque externus Academiarum splendor, ad eruditionem juvandam plurimum profuit: namque abstersit illam, quæ iis qui in pulvere Scholastico sudabant, prius adhæserat sorditiei ac squaloris maculam; eoque plurimos, quos præjudicium a Musarum consortio averterat, ad vires in hac arena periclitandas provocabat. *Disciplina* quoque Academica eo pertinebat, ut sincera & integra & nulli pravitatibus detorta unius cuiusq; natura, toto statim pectore arriperet artes honestas; & sive ad cœlestem doctrinam, sive ad juris scientiam, sive ad Philosophiæ studium, aut ornate dicendi facultatem inclinasset, id solum ageret id universum hauriret (a). Hinc & ab eo tempore, quo hæc Academiarum for-

(a) Ex hoc eodem capite, antiquorum in educandis suis li-

forma introducta est, uberior, quam antea unquam, existit elegantiorum ingeniorum proventus; exitu utilitatem rei plus satis comprobante. Nec dubitandum quin primis temporibus, ad propositum finem efficaciora fuerint, quæ supra laudavimus Academiarum instituta, quam his quibus jam vivitur, revera sunt. Qui enim, in optimis quæque humana consilia, semper imigravit abusus, horum etiam efficacie haud parum detraxit. Sic honores Academicci dum rari fuerant ideoque glorirosi, ambitionem vehementius stimulabant, quam cum effusi sunt atque obsoleti: ut reliqua taceam. Et licet non negaverim iniquiores esse *Verulamii*, *Tschirnhausii*, *Morboſii*, cæterorum querelas, quibus in Academias invehuntur (a); omni tamen illas fundamento carere, nemo a partium studio alienus, temere contendit.

§. XIV.

Remota jam vidimus præcipua, quæ in externis circumstantiis latitabant restorationis bonarum litterarum impedimenta; Ast vincenda adhuc restabant alia, ipsis rebus cognoscendis interna. Est nimirum ea rerum naturalium indeoles & conditio, ut minima illarum pars, nudis nostris sensibus, qualis revera est, adpareat. Pleraque enim vel longiori sua a nobis distantia, vel

beris disciplinam maximopere commendat incertus auctor *Dialogi de causis corruptæ eloquentia seu de Oratoribus*, qui Taciti operibus plerumque ad neſti folet.

(a) Exhibet invectivas has, trium magni nominis virorum querelas, *Gundlingius l. c. p. 1727.* & sequenti, ad calcem. Conferri merentur in utramque partem, graves *Heumann* meditationes in *Conf. Reip. Litt. Cap. IV. §. 40.*

subtilitate plus quam admiranda, omnem eludunt sensuum nostrorum aciem. Exemplum habemus in *scientia siderali*, quæ remotissimorum a nobis corporum cœlestium proprietates & motum contemplatur; & in *Historia naturali* quæ minutissimas etiam naturalium partes describit ac phænomena corporum observat. Occurrunt porro in scientiis negotia, quæ Mechanico quodam compendio facile expediuntur, alias laboriosa nimis & molesta futura. Exemplum hujus rei inter alia maxime evidens ac singulare suppeditat *Arithmetica præsertim Practica*, cuius ratio in numeris præsertim grandioribus manca omnino erit, nisi innotuerit methodus compendiaria qua computationes instituantur (a). Hinc nec mirandum est, quod in his, quas modo nominavimus scientiis, innumeris modis alucinata sit, ingeniaque sua misere torserit antiquior ætas: destituebatur enim illo, qui ad eas feliciori successu colendas requirebatur, adparatu. Forte non meliora his in rebus præsticisset, posterior ætas, nisi singulari Divinæ providentiae beneficio, sublata fuissent hæc, quæ augendæ nostræ cognitioni, ipsa rerum natura objicere videbatur obstatula. Inventa namque circa hoc fere sæculum ars poliendi lentes vitreas in usum *perspicillorum*, *Telescopiorum* & *Microscopiorum*, oculum humanum eo usque armavit, ut & maculas in sole & in minutissimo casei putrefacti pulvisculo, plura animalcula artificiosissime constructa, clarissime videat; & accepta a Mauris atque Arabibus methodus per figuras numerarias computandi, praxin *Arithmeticam* facillimam redditit & compendiosam.

§. XV.

(a) Vid. *Vallis de Algebra Institut.* Cap. III. p. 9.

§. XV.

Politas primum fuisse lentes vitreas in usum perspicillorum, horumque inventionem, Telescopiis atque Microscopiis excogitandis prælusisse, apud omnes in confessio est. Verum disputatum est, jam dudum inter Eрудitos, an & perspicilla antiquioribus cognita fuerint? Placuit affirmativa sententia haud paucis, qui per specilla, conspicilla & Ocularia in Veterum Scriptis passim memorata, instrumentum aliquod vitreum ejusdem generis ac perspicilla quibus hodie utuntur, qui debiliori laborant visu, significari crediderunt; e quibus nominasse sufficiebat Pancirollum ejusque Commentatorem Salmuthum (a) & Matthæum Lunensem (b). Eadem oberrarunt chorda, qui non perspicilla modo sed ipsa etiam Telescopia a veteribus adhibita tradiderunt, Rogerius Baco (c) & Johannes Baptista a Porta (d), quorum ille Julianum Cesarem Telescopii ope a Gallicano litore portus Angliae, urbesque maritimas spectasse; hic vero Ptolemaum regem, in Pharo turrim construxisse, in qua speculum

I 3

consti-

(a) Vid. Rerum Memorab. deperd. Lib. II. Tit. XV. p. m. 268. Multi dubitant inquit Pancirollus, utrum veteres conspicilla habuerint nec ne, quoniam Plinius rerum omnium Scriptor diligentissimus nullum de his verbum faciat; Contra vero mentio horum apud Plautum fit cum ait, Vitrum cedo, necesse est conspicilio uti. Id quod nulla alia de re quam de specillis, que vulgo Ocularia dicuntur, potest intelligi. Cui in notis consentit Salmuthus. (b) Lib. de rerum Invent. pag. 41. Verba ita habent: Conspicilla seu specilla que & Ocularia juxta vulgus appellant, e ienui vitro chrysalioque aut berillo facere, per que insinuor visus melius cernit, inventum magis antiquum quam novum arbitror. (c) Morhof. Polybijs. Tom. II. Lib. II. Cap. 12. §. 6. pag. 221. (d) Lib. XVII. Magia Nat. in Proamio p. 531.

constituerat, ut per sexcenta millia passuum hostium vaves, quæ suas regiones invaderent & deprædarentur, conspexisset, lectoribus suis persuadere tentarunt. Negativam adoptarunt Eruditorum plerique, & qui contrarium statuerunt; eos aut verum vocabulorum, quæ modo adulimus, sensum non intellexisse (*a*); aut supposititia a genuinis non satis discernere valuisse (*b*); aut denique fabulis fidem adhibuisse (*c*) contenderunt. Utra harum admittatur, nostra quidem parum interest; cum & res olim deperdita; si denuo inveniatur, pro novo omnino invento, habenda sit: Attamen posteriorem sententiam, majori se commendare probabilitate, facile largietur, quisquis ne unicum quidem argumentum, omni exceptione majus, pro antiquitate perspicillorum aut aliorum hujus generis instrumentorum, e veterum monumentis, produci adhuc potuisse cogitaverit (*d*).

Quod

(*a*) Demonstratum scil. est a Viris Eruditis, per Specillum nihil aliud significatum voluisse Veteres, quam quo oculos ingimus, ceu ex Varrone notat Celsus Rhodig. Lect. Antiqu. XV. 13. *Conspicillum* autem locum fuisse unde quis conspicere posset, ut ex Plauti *Cistell.* Act. I. v. 93. satis liquet. *Oculare* porro & *Ocularium* pars fuit in casside ferrata oculis obversa, per quam obvia, facie' licet obtecta, cerni poterant. Vid. Suppl. ad Novæ Act. Erud. T. V. p. 310. Mireris interea Geieri sententiam, qua per ארכוֹת feneſtas Eccl. XII. v. 3. l. memoratas, perspicilla indigitari statuit. (*b*) Observavit Vossius locum a *Pancirolo* pro Plautino venditatum, suppositium esse, nec apud quemquam Veterum occurrere: quo ipso tota vis argumenti hinc deducti corruit. (*c*) Merito suspecta habentur, quæ de *Telescopiis* Ptolemæi ac Cæsaris narrant Baco & Johannes a Porta. Nam Historia omnis sicut tale quid unquam existisse; quod & de Baconis narratiuncula observavit Morhof. l. c.

(*d*) Fatetur ipse *Salmuthus* quod cum nullib[us] fere apud Clas-

Quod cum ita sit, recentiori ætati vindicanda videtur, inventarum lentium vitrearum gloria. Sed & hic plurimæ se offerunt difficultates, si vel tempus inventionis vel auctorem quæsiveris. *Gerbertum Monachum*, qui ad Papale' solium electus, sub nomine *Sylvestri II.* Sæculo X. inclaruit, ostendisse *Otoni Imperatori Arclon seu stellam polo proximam per fistulam*, auctor est *Ditmarus Episcopus Merseburgensis* (a): unde concludunt nonnulli, cognitum jam tum fuisse Gerberto Telescopium & per consequens etiam perspicilla. Qualis enim hæc fuerit fistula, ex iis colligi posse putant, quæ *Mabillonius* (b) tradidit, de viso a se in Monasterio Schirensi, codice quodam membranaceo, *Petri Comestoris Historiam Scholasticam complexo*, quem Sæculo XIII. propria sua manu exarasset *Conradus Monachus*, in cuius tertio folio picta exhibetur *Astronomia*, habens a dextra *Ptolemai* effigiem, sidera contemplantis ope instrumenti longioris, quod instar

Tubi

sicos Scriptores conspiciliorum sicut mentio, inter noviter reperta, commode illa haberi posse. Nec enim inde ad probandam horum antiquitatem quidquam elicitor, quod *Seneca Nat. Quest. Lib. I. Cap. 3.* dixerit, *poma per vitrum ad sufficientibus multo majora esse*, cum ipse alio loco explicet, nonnisi de pila vitrea aquis repleta hoc capiendum esse. *Litteræ enim inquit ibid. Cap. 6.* quamvis minuta & obscure, per vitream pilam aqua plenam, majores clarioresque cernuntur: *Poma formosiora quam sunt videntur si innatant picro: quia quidquid videtur per humorem, longe amplius vero est.* Nam utut hæc ipsa, aliquid Microscopiis simile, *Senecæ cognitum fuisse*, indicare videantur, tantum tamen inter illa & pilam vitream, tam quoad externam constructionem quam qua usus commoditatem & præstantiam, intercedit discriminis, ut unum eorum, pro altero minime haberi queat.

(a) *Annal. Lib. VI. p. 399.* (b) *Descript. itin. Germ. p. 53. seqq. Vid. Pajebit inventa Nov. Ant. C. VII. p. 527.*

Tubi optici quatuor ductus habentis, concinnatum est. Nam cur ajunt ductibus nonnullis constitit fistula, si vitra ei inserta fuerunt nulla? An vitrorum ejusmodi indoles innotescere potuit, nisi innotuissent simul perspicilla? An modus poliendi vitra Tubo optico apta, & perspicilla differt (a)? Ast hæc quantumcunque speciosa videantur, vix omne ferunt punctum. Certe acutissimo Bruckero, in hanc eandem licet sententiam primum ingresso (b), fortiora visa non sunt, quam ut re adcuratius pensata, ab illa discederet; fistulam vitris destitutam ad arcendos tantum solis radios, a Gerberto adhibita, arbitratus (c). Nec impedit, quod quatuor ductibus illa constiterit; cum hoc ob commodiorem usum, ut pro lubitu abbreviari & prolongari posset, factum fuisse videatur, Vacillat itaque quam maxime, quod pro adstruenda inventionis lentium vitrearum antiquitate hinc desumitur argumentum. Nec majoris ponderis æquis rerum æstimatoribus videbitur illud, quo Morhofius cognitum jam ante Rogerii Baconis tempora fuisse Telescopium, ostendere est conatus (d). Nam licet hic expresse dixerit, posse sic figurari perspicua, ut longissime posita adpareant propinquissima & e contrario; ita quod ex incredibili distantia legeremus litteras minuti-

(a) Ita ratiocinantur *Auctores Supplm.* ad *Nova Act. Erud.* l. c. p. 313. Eodem quoque arguento usi sunt *Pascibius* & adductus ab illo *Cysatus*. Vid. *Invent. Nov. Ant.* l. c. (b) *Hist. Pb. Crit.* T. III. p. 648. (c) *Lib. cit. in Addend. & Emend. Tomo IV.* subnexus p. 786. Eodem fundamento innixus consequentiam hujus argumenti negat, qui sub ficto nomine *Vigneut Marville* latitavit *Natalis Argences* in *Mélanges d' Histoire & Littérature* T. I. citatus a Reimmanno in *Einteit. zur Hist. Litt. derer Teutschen*, Part. III. §. 347. p. 633. (d) *Polybiß.* Tom. II. Lib. 2. Cap. 12. §. 6. pag. 221.

tissimas & numeraremus res quantumcunque parvas (a): exinde tamen vix aliud sequitur, quam illum vel possibilitatem construendi hujusmodi instrumentum perspexisse, vel quod multo adhuc probabilius videtur, jactantius ea scripsisse, quæ ipse vix satis distincte intellexerat; cuius rei plurima in scriptis ejus documenta occurserere, dudum jam est ab aliis observatum (b). Tuttissimum ergo est adserere, Perspicilla Sæc. XIII. primum fuisse inventa, & Telescopia pariter ac Microscopia multo adhuc recentioris esse ætatis. Quantum ad illa, nescio qua de causa factum sit, quod ab *Alexandro Spina Pisano, Monacho Ordinis Dominicani, excogitata primum fuisse, vulgo credantur; cum tamen nec Dominicus da Peccioli nec Franciscus Redi ad quorum tamē testimonium ad assertoribus hujus sententiæ provocatur, hoc ipsum nunquam dixerint (c).* Majori ju-

K re

(a) Adserit hunc locum ex libro ejus de Nullitate Magiae, *Paschius in Invent. Nov-Antiqu. Cap. VII.* p. 528. (b) Cfr. quæ ex Antonii Wood Hist. & Antiqu. Universit. Oxon. Lib. I. ad a. 1292. adserit Gundl. Hist. der Gelarb. s. ubi inter alia hæc exstant: *Gloriarum de se fuisse Baconem, quod Grammaticen invenerit universalem cujus ope paucis diebus, Hebraicam, Graecam, Latinam & Arabicam addiscere linguas quis facile posset.* Disquirendum tamen esse, utrum vel ipsemet quatuor has lingvas calluerit, Baelius observat, qui simul scriptis ejus haud multum statuit pretii: Ses écrits contiennent beaucoup de superstition, il étoit fort infatué de l' Astrologie judiciaire. Ego hanc rem non miror, quum plerumque grandiloqui Thrasones superstitionis esse soleant. (c) Hæsit hæc sententia plerisque & apud Scriptores Historiæ Litterariæ communi fere consensu hoc assertum videbis. Ut vero evidenter perspiciatur, quam precario hoc statuatur, dabimus ipsa Dominici da Peccioli verba, adducta in *Suppl. ad Nov. Att. Erud. I.* supra cit. Frater Alexander de Spina Pisanus, manibus suis quidquid voluisse operabatur, e charitate villus, aliis communicabat. Unde cum tempore illo, quidam vitrea Specilla, que Ocularia vulgus appellat, primus adinvenisset,

re tribuenda videtur hujus inventionis gloria SALVINO ARMATI, Nobili Florentino, nam præterquam quod in Epitaphio (*a*), Ocularium inventor disertis verbis celebretur; multum quoque huic sententiaæ accedit robur ex iis, quæ de inventione *Spinae*, a scriptoribus adferuntur (*b*). *Tubos* deinde *Opticos*, quod adtinet, notandum est, illos longo demum tempore, post excogitatam artem faciendi perspicilla, fuisse inventos. Forte aliqualem illorum ideam sibi formavit *Johannes Baptista a Porta Neapolitanus* (*c*); Ast gloriam hujus inventi ipsi decernere, res eslet valde ambigua, justisque

ra-

pulchro sane utili ac novo invento, neminique vellet artem ipsam conficiendi communicare, hic bonus vir & artifex illis vissis, statim nullo docente didicit & alios qui scire voluerunt docuit. Hoc idem testimonium repetit *Frantiscus Redi* in Epistola ad *Paulum Falconierium*, quæ inscribitur *Letteri interno all' invenzione degli ochiali di Naso*, & diserte negavit perspicillorum inventionem *Spinæ* ex omni parte deberi. Judicet jam æquus Lector, in quantillam gloriae inventionis partem, jure venire debeat *Spina*.

(*a*) Exhibet monumentum hoc sepulchrale ex Leopoldi a Miliore Florentia illustrata, *Dominicus Maria Manni* in Tractatu aegri Ochiali da naso, inventati da Salvino Armati &c. qui recentetur in *Suppl. ad N. Act. Erud. l. cit. p. 312.* En vero illud: *QUI DIACE SALVIN DIO GLI D'ARMATO DEGLI ARMATI DI FIR INVENTOR DEGL. OCCHIALI PERDONI LA PECCATA.* ANNO DOM. MCCCCXVII. (*b*) Coævos fuisse Spinam & Salvinum certum est. Ille enim mortuus creditur a. 1313. Vid. *Jorckers Gelehrten Lexicon*: sub voce *Spina*: Hic vero ceu ex Epitaphio patet obiit a. 1317. Ejusdem præterea fuerunt gentis; Pisanus alter, alter Florentinus. Hinc cum jam de *Spina* constet, eum fabricam perspicillorum ab alio quodam sua atate inventam, at clam habitam, vissis perspicillis proprio marte didicisse: (Vid. supra not. præced.) quid quæso probabilius est, quam *Salvinum* primum fuisse illorum inventorem, eumque, a quo *Spina* excogitandi ejusdem artificii occasionem accepit (*c*) Inserere hic haud pigebit verba Dn. a *Porta Magia Nat. Lib. XVII. C. XI.* quod inscribitur, ac Specillis quibus

rationib^{us} destituta. Certent potius de palma ob di-
vinum hoc inventum (a) reportanda, e Batavis *Johan-*
nes Lippseinius Middelburgensis, & *Jacobus Metius*
Alekmariensis, *Perspicillarii*; causam agentibus, illius
quidem *Antonio Maria de Reyta*, hujus vero *Adriano*
Metio fratre, *Gassendo* & *Natali Argonesio*, cum aliis
haud paucis. Immisceat se in laudis hujus societatem,
magnus ille *Galileus*, patrono *Jano Nicio Erythræo*: de-
cerpant denique alii alias ejusdem partes. Nostrum non
est, his litibus componendis, immorari: recentioris
quippe sunt originis, quam ut nostræ cognitioni illas

K 2

jam

Supra omne cogitarum quis longissime confidere queat. Ita autem ille: Non
omittemus rem adminibilem & longe utilissimam. *Quomoao lusciosi*,
ultra quam credi potest, longissime confidere queant. - * - *Iaque*
vel terti artificio fiet, sed res non adeo vulgaribus promulganda, sed
perspectivis clara. *Visus constitutatur centro valentissimus speculi, ubi*
fiet, & valentissime Solares radii afferguntur & coeunt minime, sed
centro predicti speculi, in illius medio, ubi diametri transversales, o-
mnia ibi concursus. *Constituitur hoc modo speculum concavum colu-*
mnam, & quidistantibus lateribus, sed lateri uno obtuso sectionibus illis
accommodetur, trianguli vero obtusanguli vel orthogonii secantur,
hinc inde duobus transversalibus lineis, ex centro eandis. Et confitum
erit Specillum ad id quod diximus utile. Hæc adeo usque confuse
esse dicta, ut Oedipo interprete ad illa intelligenda opus sit, quis
est qui non videt? Hinc nec mirum cuiquam videri debet, si
sensum illorum adsequi non potuerit, qui ad mandatum *Ruadolfi*
II. Imperatoris locum hunc examinavit Celebert. Keplerus vid.
Reimann. Einleit. in die Hist. Litt. derer Teutschen, Part. III. p. 634.
Potius mireris illos, qui ducto hinc argumento, Telecopiorum
inventorem illum facere studuerunt. (a) Singulari cuidam Divi-
næ revelationi acceptum referendum esse hoc inventum, post *Hie-*
ronym Syrturum, Mediolanensem, credidisse videtur Otus Vormius
in Museo Lib. IV. p. 353. quippe qui Angelum, Batavico habitu
inducum, *Lippseino* viam ad hoc inventum monstrasse, refert,
Verius inter pia otia hanc narratiunculam, quoconque demum

jam subjecere possumus (a). Certent quoque de Microscopiorum inventione, *Ludovicus Septalius & Franciscus Fontana*, Itali, atque *Cornelius Drebbelius & Zacharias Janssonius* Batavi; nam nec hanc litem dirimere nostri est instituti (b). Adjiciemus solum, perspicilla conficiendi artificium, his inventis ansam dedisse: cumque illius origo paucis jam sit explicata, facile inde colligitur, qua via recentiora haec instrumenta mortalibus innotuerint. Tempus scilicet, quod cuncta hominum inventa expolit ac perficit, lentium etiam vitrearum usum latius extendere, easque in eum situm ad se invicem collocare, inq; eam formam effingere docuit, ut longius posita propinqua, & minutissima majora videri possent.

§. XVI.

Supereft ut de translata in orbem Europaeum methodo per notas numerarias, quas Arabico nomine *Cipras* vocant (c), computandi, paucis adhuc dicamus. Utrum Barbari qui Indiam inhabitabant, ab antiquis Græcis hanc numerandi artem didicerint, quæ fententia est

Isaa.

Auctore primum evulgatam, retuleris. Sunt alia inventa æque magna, casu detecta; quidni & de hoc idem credere liceat,

(a) Refertur scilicet a plerisque inventio Telescopiorum ad annum circiter 1609. (b) Annus inventionis Microscopiorum recentior est, & refertur vulgo ad a. 1621. vel 1625. Vid. *Hugen. Dioptr.* p. 170. (c) Derivant vulgo vocem Ciphra ab Ebraeo כִּפְרָה numeravit: verum erroris illos convincit *Vallius Algebr. Cap. III p. 10.* malo illius quam meis verbis uti, Certe, inquit, vox Ciphra primus ו ab origine soli O. attributa est, qua est nullius nota ו specialiter Ciphra dici solet, nonnullum zero, Arabibus (unde nos habemus) תִּסְפֵּר seu תִּסְפֵּרōn dicta; ab Arabico תִּסְפֵּר (quod est vacuum aut inane esse, & respondet Hebraeorum בְּלֹא per ו quod est avolavit;) non ab Arabico תִּסְפֵּר (quod respondet Hebraeorum בְּלֹא per ו, quod est numeravit). Et Maximus Planuas eam soli nullius nomine

Isaaci Vossii (*a*) & *Johannis Vard* (*b*), vel an ipsi eam excoigitaverint quod plerisque visum est, de eo parum jam sumus solliciti. Extra omnem enim controversiam positum est, illam ab *Indis* per Arabes, in Europam, & quidem ad Hispanos Italosque, quorum frequentiora cum his erant commercia, primum fuisse transmissam (*c*). De eo autem in primis controvertitur, quo tempore huc adveeta, & a quo primum adhibita fuerit. Verum otium nobis in excutienda hac controversia fecit Celeberrimus *Vallisius*, qui instituto super hanc rem accuratissimo examine, ad oculum demonstravit, eam una cum numerorum figuris, quarum tamen formam sequior ætas multis modis expolivit, jam sæc. X. in Hispania cognitam, & a *Gerberto Monacho*, cuius §. præced. mentionem fecimus, inde in Galliam delatam

K 3

fu-

diserte attribuit: postquam enim novem figuræ significativas distas, describerat addit: Τίθεσθαι δὲ ἐπεργά τη σχῆμα, ὃ καλέσθαι τῇ Φέρει καὶ Ἰνδὸς σημάτων γένεσιν. Iterumque: Ή δὲ τῇ Φέρᾳ γεγόνεται οὐτος ο. Et hinc vera hujus vocis origo satis liquet. (*a*) *De figiis Arab.* & *Periarum Astronomicis* p. 2. (*b*) *Vid. Transact. Philos. de la Société Royal de Londres*, pro a. 1735. p. 135. Dissentunt tamen a se invicem hi Duumviri in eo, quod hic Indos a Græcis immediate; Ille vero mediate per Arabes hanc Arithmetices praxin accepisse contendant. (*c*) *De ipsa quidem numerandi methodo*, qua duplice quæque figura numeraria habet valorem, internum unum, alterum ex loco in quo scribitur, præcipua jam est quæstio: Ast non illam solum Indis debemus; verum ipsas quoque numerorum notas: cœu ex Arabum atque Planudis testimoniis demonstrat *Vallis cap. cit.* Illi enim tria se fatentur ab Indis accepisse, librum *Gotilia Va-damna* (ejusdem naturæ cum fabulis Æsopicis) *Ludum Schaccii* si- ve *Iatrunculorum*; & *figuras numerorum*; Ethic postquam in *Arithmetico Opere*, Græce scripto, hanc computandi praxin λεγοτικὴν Ἰνδικὴν & ψηφοցιαν καὶ Ἰνδὸς adpellasset, diserte addit: ὃ δὲ σχήματα νοῦ ἀντὶ Ἰνδικῶν. Frustra itaque sunt qui ex corruptis Alphabeti Græci lit-

fuisse (a). Invaluit autem apud Mathematicos ab eo usq; tempore, hæc numerandi praxis; quam & sæc. XIII. distinctius, quam antea ullus, in Tractatu quem de Algorismo edidit, proposuit *Johannes de sacro Bosco*, princeps Arithmeticæ practicæ instaurator (b). Quo vero tempore, ex Arithmeticorum Scholis, in communem usum transferierit hæc eadem computandi methodus, illud quidem difficilius est determinare. Factum hoc fuisse sæc. XIII. modo nominato, existimavit *Vallisius*, occasione praetertim *Dati*, quod vocant, Heliodoniensis de a. 133. Verum infirmavit argumentum hinc deductum *Dn. Vard* conjectura haud improbabili pro 1133. legendum esse 1233. Idem refutatis reliquis, quæ hic objici solent argumentis, vulgariorum usum cifrarum ultra sæc. XIII. extendi non debere, ostendit (c). Certe nec *Mabillonius*, diligentissimus Diplomatum scrutator, ante sæc. XIV. cifras in actis publicis deprehendere potuit (d), nec de illorum uso quidquam ante an. 1494. quo *Luce de Burgo* Tractatus de *Algorismo* prodiit, typis evulgatum esse novimus (e). Ut vel hinc suspicio nascatur, proximo ante reformationem ævo eas in vulgus innotescere cœpisse. Quanta vero ex introducto hoc numerandi artificio in rem litterariam & civilem profluxerint commoda, infra uberioris ostendetur.

Et hæc quæ jam enarravimus, præcipua fuerunt restaurationis litterarum subsidia: quæ non uno quidem impetu, sed sensim suos prodiderunt effectus. Sunt enim natura infirmitatis humanae, tardiora remedia quam mala; ut corpora tente augescunt, cito extinguntur, sic ingenia studiaque oppresferis facilius quam revocaveris (f).

teris eas derivare studuerunt *Conradus Dalypodium* & *Petr. Dan. Huettius* in *Demonstr. Evang. Prop. IV.*

(a) Vid. *Lib. cit. Cap. IV. integr.* Errant itaque *Johannes Vossius* & *Joseph Scaliger*, qui notas numerarias ante a. 1250. vel 1300. Europæis non innotuisse statuerunt. (b) Mortuus est *Sacra Bosco* a. 1256. vel secundum nonnullos a. 1244. vid. *Joach. Geleb. Lexicon in vita ejus*. (c) Vid. *Transact. Phil. i. c. p. 130-151.* (d) *De re Diplom. Lib. II. C. 28. §. 10.* (e) *Vallis. l. c.* (f) *Tacitus in vita Agricola. C. 3.*